

# Rettleiing: Reduksjon i foreldrebetaling - SFO

## Lovheimel

Den nasjonale ordninga for reduksjon i foreldrebetaling i SFO er regulert i [Forskrift om endring i forskrift til opplæringslova, kapittel 1B. Skolefritidsordninga.](#)

## Grunnlag for redusert foreldrebetaling

### *§ 1B-1. Reduksjon i foreldrebetalinga for elevar på 1. og 2. årstrinn*

*Kommunen skal etter søknad gi reduksjon i foreldrebetalinga for skolefritidsordninga på 1. og 2. årstrinn slik at den per elev utgjør maksimalt seks prosent av inntektene til hushaldet, dersom:*

*a) foreldrebetalinga for eitt skoleår utgjør meir enn seks prosent av inntektene til hushaldet det siste året, eller*

*b) det er ein varig nedgang i inntektene til hushaldet inneverande år som gjer at foreldrebetalinga for eitt skoleår utgjør meir enn seks prosent av inntektene til hushaldet.*

*Betaling for kost kan komme i tillegg.*

## Informasjon og sakshandsaming

1. Ordninga med redusert foreldrebetaling er søknadsbasert, og det kan søkjast for eitt skuleår om gongen til kommunen der barnet er folkeregistrert.

Søkjjar har rett til innsyn i dokumenta.

### *§ 1B-2. Søknadsbehandlinga til kommunen i saker om reduksjon av foreldrebetaling*

*Kommunen kan, utan hinder av teieplikta, innhente grunnlaget for siste fastsetjing av formues- og inntektsskatt for hushaldet frå skattestyresmaktene for å dokumentere inntektene til hushaldet for det siste året, jf. skatteforvaltningsforskriften § 3-3-1 andre ledd bokstav a. Kommunen kan innhente slike opplysningar og gjere nye vedtak om redusert foreldrebetaling i heile den tida søknaden gjeld.*

*Med hushald meiner ein i dette kapittelet ektefellar, registrerte partnarar og sambuarar. Som sambuarar reknar ein to ugifte personar over 18 år som bur saman, og som har budd saman i eit ekteskapsliknande forhold i minst 12 av dei siste 18 månadene, eller har felles barn. Dersom søkjar er sambuar utan felles barn, må søkjar opplyse kommunen om dette.*

*Med inntektene til hushaldet meiner ein i dette kapittelet hushaldet si samla brutto personinntekt etter skattelova kapittel 12 og skattepliktige kapitalinntekt.*

*Dersom foreldra til barnet bur kvar for seg, og barnet bur fast hos begge foreldra, er det inntekta til hushaldet til den forelderen som har same folkeregistrerte adresse som barnet, som skal leggjast til grunn i vurderingane etter denne føresegna.*

*Dersom grunnlaget for siste fastsetjing av formues- og inntektsskatt for hushaldet ikkje kan utleverast av skattestyresmaktene, og kommunen av den grunn ikkje klarer å fatte vedtak før 1. august, skal kommunen be søkjar om å levere skattemeldinga for det siste året og eventuell skattepliktig kapital- eller personinntekt som ikkje er førehandsutfylt.*

## Søknadsfrist

Søknaden gjeld for eitt skuleår om gongen ved søknad innan 1. august. Ved søknad etter 1. august gjeld vedtaket frå første heile månad etter søknadstidspunktet og ut skuleåret.

## Føresetnader for reduksjon i foreldrebetalinga

- Barnet må vera folkeregistrert i Bømlo kommune.
- Betaling for plass i skulefritidsordninga utgjer meir enn seks prosent av hushaldet si samla brutto personinntekt og skattepliktig kapitalinntekt.

## Inntekter må dokumenterast

Søkjjar har ansvar for å leggja fram dokumentasjon i samband med søknad. Skattefrie overføringar som barnebidrag, kontantstønad, barnetrygd m.m. skal ikkje inkluderast i inntektsgrunnlaget.

Person- og kapitalinntekter skal reknast inn:

- Ytingar frå NAV som er skattepliktig, t.d.: Sjukepengar eller arbeidsavklaringspengar, uføretrygd, dagpengar, stønad som einsleg forsørger, etterlattepensjon
- Kapitalinntekter, t.d.: Renteinntekter, fonds- og aksjeutbyte, gevinst ved sal av eigedom og lausøre
- Andre inntekter, t.d.: Bustønad, leigeinntekter

Skatteoppgjeret for siste år skal leggjast ved dersom skatteoppgjeret er mottatt. Viss ikkje skal sjølvmeldinga for siste år leggjast ved.

Dokumenter viss det har vore endringar i hushaldet si inntekt og opplysningane i høve til sjølvmeldinga. Årsak kan vera langtidsarbeidsløyse, samlivsbrot, giftemål, endring/ny jobb og liknande.

- Anna aktuell dokumentasjon, ikkje eldre enn 1 månad:
  - Ytingar frå NAV som er skattepliktig
  - Dersom det er endringar frå skatteoppgjer/sjølvmelding når det gjeld tilsetjingsforhold/jobb må arbeidstakarar få stadfesting frå arbeidsgivar om tilsetjingsforhold (stillingsstorleik, fast/midlertidig, løn pr. år)
  - Sjølvstendig næringsdrivande: stadfesting frå rekneskapsfører/revisor på venta inntekt
  - Arbeidsledige: stadfesting frå NAV om utbetaling og tidsrom for utbetaling
  - Studentar: kopi av studentbevis – stadfesting studieplass
  - Ev. annan relevant dokumentasjon (legg ved dokumentasjon)

## Iverksetjing

Vedtaket har ikkje tilbakeverkande kraft.

Iverksetjing er frå første heile månad etter søknadstidspunktet og ut skuleåret. Er søknad kommen skulen i hende innan 1. august, vil vedtaket gjelda for heile skuleåret.

Det må søkjast på ny for neste skuleår.

Dersom inntekstdokumentasjon manglar, vil søknaden ikkje bli handsama før slik dokumentasjon er mottatt, og derfor vil ordinær betalingssats i SFO bli nytta sjølv om søknad er sendt inn.

---

## Vurdering

Sakshandsaming/klagerett er i tråd med krav i Forvaltningslova §27. Bømlo kommune er klageinstans. Bømlo kommune som skulemynde gjer ei skjønsvurdering av fastsetjing av foreldrebetaling. Vedtak vert gjort for gjeldande skuleår.

## Endringar i person- og kapitalinntekter etter at vedtaket er fatta

Alle hushald med vedtak om reduksjon i foreldrebetaling pliktar å melda frå om endringar i den økonomiske situasjonen.

Endringar i hushaldet si samansetjing i løpet av året skal handsamast på lik linje som vesentlege endringar i inntekt i løpet av året. Dette gjeld i hovudsak om nokon varig flyttar ut av hushaldet, og det potensielt er vesentleg lågare samla inntekt i hushaldet, skal dette meldast til kommunen og dokumentasjon på samla inntekt i hushaldet må sendast inn. Dersom nokon giftar seg eller vert registrert partnar skal det også meldast frå til kommunen og sendast inn dokumentasjon på samla inntekt i hushaldet.

Endringar kan ha konsekvensar for vedtaket.

Dersom ein unnlate å opplyse om endringar i sivilstand, endringar i hushaldet, endringar i økonomi eller anna som er omtala i forskrifta, kan kommunen krevja endring i foreldrebetalinga med tilbakeverkande kraft.